

四川鹽法志

四川鹽法志卷三十一

職官

公廨

國家設官既給以廩祿又予以居處凡以治官事莫身家胥於是乎在在官者毋以爲爽塏而安之毋以爲傳舍而忽之其庶幾乎局卡亦治事之所建設在後亦並著焉昔宋安北望建四川總領所顏其堂曰通濟魏鶴山爲之記而勉以信期會節浮壺登餘財毋從便文惟實德是踐毋事苟免惟經久是圖朝斯夕斯者其知此義已

總督兼鹽政署在成都省南城內舊在重慶府西雍

正九年移建今地

按順治初設四川巡撫三年設四川總督旋改
川陝三邊總督康熙元年復四川總督七年改
川湖總督駐重慶十九年復四川總督二十二
年改川陝總督駐西安雍正九年復四川總督
駐成都今署乾隆元年改川陝總督巡撫如故
十三年始裁巡撫專設四川總督管巡撫事

鹽茶道署在成都省南城內始建未詳乾隆四十九

年毀於火鹽茶道自捐貲培修

總督李世傑奏略
四川省城三義廟

失火延燒官民衙署房屋內鹽道署據該道自行
培修惟鹽道庫貯部頒四十九年鹽茶引張除已
頒發及現在檢出外所有填發引張號簿已被火
燬聲請另備字號量給鹽引三萬張茶引三萬張

領發來川趕辦課食依限題擬其繳到四十八年
積引均已被燒勢難隨同鹽茶銀兩奏銷應請展
限半年統於本年
十月內彙奏咨部

鹽茶庫大使署在道署旁始建未詳

夔州府通判署在府署右始建未詳

健爲縣通判署在縣北七十里四望關乾隆十八年
建

射洪縣通判署在縣南四十里太和鎮卽舊州巡檢
署乾隆六年三臺縣知縣莊大椿建鎮爲水陸之
衝商賈雲集雍正十二年設

綿州州判署分駐豐谷井在州南三十里雍正七年
建乾隆三十六年移知州於羅江縣署移州判於

舊州署嘉慶七年州復舊治州判仍回豐谷井新建大門三間二門三間大堂三間左右科房各二間二堂三門東書房三間三堂三間俱竈戶捐修簡州州判署在州北七里大江畔石橋井雁江繞其左舟楫往來爲引鹽批驗要地

資州州判署駐州西羅泉井兼理鹽務距州一百二十里大門三間二門三間上房三間雍正七年建乾隆四十三年州判徐時敏補修

忠州州判署在州東二十五里石橋井卽澹井雍正八年州判楊名遠建乾隆十九年州判李摯補修嘉慶四年燬於賊十七年二十四年州判毛會掄

王見龍及咸豐十年州判黃之驥先後補修

按一統志雍正十二年始升州判駐石橋井此
云署建於八年疑誤

射洪縣鹽大使署舊設黃礫浩並清提渡各一乾隆
二十年併歸清平渡縣東南八十里亦曰青堤渡
署爲乾隆元年領帑修補

蓬溪縣鹽大使署駐縣西九十里康家渡大門三間
儀門三間大堂三間二堂二間左穿堂三間又鹽
關場去署里許有官廳三間左右書役房各一間
健爲縣鹽大使署在縣北一百里牛華谿舊在王邨
場乾隆九年牛華谿巡檢裁以王邨鹽大使改設

四川鹽法志卷三 公廨
於此卽以前雍正九年巡檢徐謙領帑所修巡檢署爲大使署舊有明永通鹽課司署今廢

雲陽縣雲安厰鹽大使署大門一間大堂三間二堂三間住房三間又乾隆八年夔州府同知移駐雲陽縣東北三十里雲安厰建同知衙署一所後於乾隆十八年移駐石柱廳同知署廢基址尙存

大甯縣鹽大使署在縣北三十五里大金溝雍正七年大使黃剛中建

富順縣自流井縣丞署舊在縣署後堂東明末圯雍正八年移駐縣西九十里自流井專司鹽務在井厰正街後山

富順縣鄧井關縣丞署在縣南十五里鄧井關舊係
通判署乾隆四年建二十三年裁改設縣丞卽爲
縣丞署

榮縣貢井縣丞署雍正七年建在貢井去富順自流
井十里

蓬溪縣縣丞署在縣西一百五十里蓬萊鎮卽舊巡
檢鹽大使署雍正八年初設巡檢建署乾隆元年
裁改設鹽大使卽以巡檢署作鹽大使署二十年
以鹽大使移駐康家渡添設蓬萊鎮縣丞卽以舊
鹽大使署作縣丞署道光二十三年縣丞顧照捐
俸重葺大門二間儀門三間大堂三間二堂三間

穿堂二間大堂左爲刑房右爲禮房又左爲衙神祠

彭水縣郁山鎮巡檢署在縣東北百二十里郁山鎮

乾隆六年

嘉慶通志作十二年

巡檢胡自敬創建大堂二堂

頭門科房衙神祠五十二年巡檢蔣懋堂增建三堂兩廂道光二十六年巡檢許承豫培修二堂增客廳同治六年巡檢胡林重修三堂改頭門外衙道

鹽源縣典史署在白鹽井距縣四十里雍正八年建瀘州直隸州署在州城西南韓家壩舊管批驗州判署初在州城南康熙三十八年裁改陳公祠雍正

八年復設署在大觀臺下大街今廢

重慶府經歷署舊在府署右乾隆二十四年改司獄
爲江北廳照磨以經歷兼司獄事移駐司獄署嗣
經歷徐紹鏞以監舍逼近民居虞火患復遷於通
判署右

嘉定府經歷署在府署右舊爲通判署雍正十三年
改建

遂甯縣縣丞署在梓潼宮雍正八年先建於縣城內
小西街廢分司署基乾隆二十年移駐今地

局卡 鹽倉附

官運總局在瀘州南關外三里光緒三年總督丁寶

積奏設轉運黔滇楚邊計各岸鹽

文案所在總局內

收支所在總局內

引目所在總局內

票據所在總局內

瀘州計岸分局在州北關外三里小市宜民鄉

裕濟鹽倉四廩七十六間距局里許

內江般驗卡在瀘州北關外三里小市自富廠運

鹽至瀘州曰內江

外江般驗卡在瀘州南關外二里澄溪口自犍廠

運鹽入瀘州曰外江

健廠分局

兼樂山廠

在健爲縣西北七十里五通橋

大河壩子局

兼管提撥船務

在健爲縣十里竹根灘

富廠分局在富順縣西北九十里自流井

鄧井關子局

兼管下五增購鹽票釐並提撥船務

在富順縣十五里

射廠分局在射洪縣七十里陽桃溪

雲廠分局在雲陽縣三十里雲安廠

甯廠分局在大甯縣三十里大甯廠

郁廠分局在彭水縣東北百二十里郁山鎮

黔邊永岸分局在敘永廳城內

鹽倉二十四間在局內

永岸官運提撥卡在納谿縣東關外距敘永廳二

百二十五里

永岸分卡在永甯縣五里鎮南橋

黔邊仁岸分局在合江縣北關外中街羊觜街口
鹽倉十二間在局內盈則賃屋貯之

仁岸分卡在貴州仁懷廳東關外距合江九十里
黔邊綦岸分局在綦江縣南關外三里永濟鄉

鹽倉二十四間距局里許

綦岸官鹽提撥卡在江津縣四十里江口距綦江
縣百八十里

綦岸分卡在綦江縣三十里三溪先設石角鎮趕
水兩卡後併爲一

黔邊涪岸分局

兼彭水縣計岸

在涪州西關外二里龍王

角

鹽倉八十一間距局里許

涪岸分卡在州北二十里羊角磧

黔邊計岸江津分局在縣屬九十里中北沙鎮

鹽倉未得地暫賃屋貯

黔邊計岸南川分局

兼長壽岸

在巴縣九十里木洞鎮

距南川縣二百二十里長壽縣九十里

鹽倉六間

黔邊計岸納谿分局在本縣北關外古街子

鹽倉五間在局內

黔邊計岸江巴分局在江北廳城內

鹽倉十一間距局半里

駐貴州興義府查滇私分卡在興義縣東關外黃
草壩

駐貴州都勻府查粵私分卡在獨山州城內

駐貴州思南府防護引路分卡在府屬沿河司距
府三百十里

滇邊岸張窩分局在宜賓縣城內先設百六十里
張窩後移此

鹽倉未得地暫賃屋貯

張窩分卡在宜賓縣九十里安邊場

滇邊岸南廣分局在慶符縣百四十里南廣鎮距
宜賓縣十五里

鹽倉一間局對過

南廣分卡在珙縣百二十里羅星渡距南廣二百
九十里

滇邊岸清谿分局在犍爲縣西關外三里黃旗壩
鹽倉三間在局內

滇邊計岸眞溪分局在宜賓縣百一十里眞溪口
鹽倉四間距局五里盈則賃屋貯之

滇邊岸李莊分局在南溪縣六十里李莊壩

鹽倉未得地暫賃屋貯

滇邊岸江安分局在江安縣城內先設長甯縣七
十里安甯橋後移此

鹽倉三間在局內

楚計岸萬縣分局在縣城外二里曇華寺

鹽倉兩所五十一間距局二里

萬縣分卡三一在奉節縣三十里大溪口一在巫
山縣八十里上洋平一在湖北巴東縣十里萬
戶沱

雲陽官鹽提撥卡在雲陽縣東關外

大甯官鹽提撥卡在巫山縣城內

駐湖北利川縣防護引路分卡在縣城內

富榮官引局在富順縣九十里自流井

犍樂官引局在犍爲縣一百里牛華谿

潼川府票釐總局在射洪縣七十里陽桃溪先爲

鹽釐局設康家渡後改票釐移此

犍樂票釐局

與官引局併爲一

犍樂票釐分卡二一在樂山縣西南十五里鷹嘴

巖一在青神縣東二十里虎渡溪

富榮票釐局二一在富順縣九十里自流井一在

榮縣九十五里席草田距自流井二十里

井研票釐局在井研縣北關外二十里胡家店

資州票釐局二一在州百二十里羅泉井一在州

六十里金李井

雲陽票釐局在雲陽縣三十里雲安廠

大甯票釐局在大甯縣三十里大甯廠

開縣票釐局在開縣六十里溫湯井

合州票釐局在州城七十里大河壩先爲鹽釐局
在城內後改票釐移此

合州票釐卡二一在金子沱去城七十里稽察蓬
廠陸票釐一在澄江口去城六十里

夔州府鹽釐局在府城咸豐四年設專權濟楚鹽
釐稅光緒四年辦官運裁併夔州通判專收引
其釐稅歸官運總局

望空沱鹽釐卡在巫山縣咸豐四年設專察濟楚

鹽釐

重慶府三廠鹽釐局在府城咸豐十年設

唐家沱鹽釐卡在巴縣咸豐十年設

香國寺鹽釐卡在巴縣咸豐十年設

澄江寺鹽釐卡在巴縣咸豐十年設

四川鹽法志卷三十二

緝私一

漢法敢私鬻鹽者鈇左趾沒入其器物蓋昔之私一而已今則有井竈之私有商賈之私有船戶之私轉運數省水陸數千里小爲販大爲梟不愼法不畏威惟利是競所在而有

國家務緝之之意亦非爲遺利也鹽之有私若苗之有莠粟之有秕莠秕不芟苗粟不蕃私鹽不清正鹽不行故爲編保甲謹關隘嚴截驗設書巡置廠船凡以清其源遏其流防其變期於民免僥倖道路無壅而已志緝私

編甲

鹽竈之有保甲始唐元和中度支使皇甫鎛奏竈兩池鹽者坊市居邸主人皆論坐盜州縣團保相察此行於河東者宋熙甯五年以盧秉提舉兩浙秉因定伏火盤數以絕私竈自三竈至十竈爲一甲而竈鹽地十五其民以相譏察此行於兩浙者四川故無之始雍正七年驛傳鹽茶道劉應鼎言於巡撫憲德以私井日增鹽出不實詳請編聯竈戶責以井竈所出無有私漏通飭凡府州縣有井竈者

劉應鼎詳查川省鹽井茶園多產於深山密箐人迹罕至官吏莫能稽察是以奸民任意行私匿不

報課增引現經檄行各州縣於境內有井竈者按
竈戶編爲鹽保甲每十家爲一甲每甲立誠實甲
長一名責令逐戶細查保甲將甲內井眼若干該
竈若干每日煎鹽斤若干據實首報概免從前隱
匿之罪如編保甲以後仍復欺隱以多報少圖利
私售等弊一家有犯九家連坐但地方官因循日
久誠恐始勤終怠應請嚴定處分嗣後如地方官
不實稽察保甲內仍有隱匿一經發覺將地方官
照徇庇失察例詳請參處則官民知所儆懼實心
奉行而鹽茶可無隱漏之弊矣 又通飭照得井
竈產鹽數目弊竇多端不得不立法嚴查以清鹽

源爲此牌仰官吏照得牌內事理文到卽便查明該管地方城鄉市鎮內有井竈者卽按鄉村附近等處編爲鹽保甲十家編爲一牌一牌內立誠實牌長一名責令逐井細查各井竈日產鹽斤數目按日據實報官其有鹽井枯乾無妨報明封閉另開井眼權課不許以幫井爲名影射私開飭令竈戶賣與引商行銷不得任意賣與私販該州縣務必親身查勘如有仍蹈前轍欺隱行私者先將牌首從重治罪其九家均以通同徇庇情罪重處並令十家互相稽查如有欺隱行私等弊聽其首告卽將首告之人免罪如該州縣不實力奉行定行

揭參

雍正七年

謹按編保甲疏未見據十二年戶部覆黃廷桂仍舊編甲一語當時必已奏行或年遠疏佚耳通飭內幫井之弊明卽有之蓋新開之井藉口於舊井枯竭用以幫納井課不報者後林隲所行頗類是

見職官事蹟

雍正十二年川陝總督黃廷桂巡撫憲德條陳八事復以竈戶宜另編保甲就應鼎前議加嚴責成竈戶自相舉發事下戶部議以爲以井查井猶以私查私慮多朋比議駁不果行

黃廷桂憲德疏略查川省竈戶或一井而一戶煎

燒或一井而數戶輪流更有將井竈典與流寓人
民或收鹽斤或收典值奸匪混雜惟竈丁爲甚應
責成場員照保甲之法將十井或十家編爲一牌
輪充牌頭互相稽查如有私煎私賣等弊能據實
首明場員者照律充賞如通同徇隱一經發覺除
本竈照律治罪外並將值日牌頭照地方甲鄰知
而不舉律治罪倘該場員奉行不力藉端滋擾查
實嚴參議處則源潔流清而私鹽無從偷漏 戶
部議略煎鹽竈戶按井煎燒其井或在山中或在
平地或在水邊大約各井相隔非比居民稠密可
以編作保甲也若或十井或十家編甲其中一井

同煎者已在舊編保甲之中固不須紛更設十井
相隔寫遠卽編爲一甲豈能遙相稽查而且以井
查井是以私查私適開朋比爲奸之端似應仍舊
編甲如有私煎私賣等弊准里鄰舉首其扶同者
治罪應將該督等另編保甲之處毋庸議
雍正十
二年
謹按此疏雖議駁未行而後鄂山徐澤醕之議
實承其流故仍錄入

乾隆十六年驛鹽道武洪緒以鍋多隱匿竈有餘贏
鹽浮於引易滋奸商販私諸弊請令廠員躬自煎驗
確核正餘實數悉籍以報不實者罪之

武洪緒詳略川省重引影射商船夾帶等弊皆由

於場竈之售私查場竈歲產鹽斤俱按數配引似無餘鹽可爲重引夾帶之配買乃各屬奸竈或產多報少或隱匿鍋口地方官以及廠員並不實力稽察遂至各竈儘有餘鹽配賣重引並商船夾帶應請飭各州縣將所屬之井竈鍋口逐一清查凡有現在隱匿之鍋口督令廠員親爲煎驗每年實可產鹽若干除配額引外可得餘鹽若干責令增引行銷地方官同廠員出具並無隱漏印結造冊具報本道再行遴選賢員詳請檄委前往察看倘該州縣查報不實仍有隱匿卽行詳揭請參俾井竈旣無隱漏之餘鹽而商人船戶卽欲重引影射

夾帶行私已無鹽可配其弊自除

乾隆十六年

道光十八年因御史袁文祥奏私鹽充斥

上諭弊鹽出於場竈著設法清釐

恭錄首卷

於是總督鄂山復

請編聯保甲日煮鹽幾何仍由甲首聞於廠員廠員復往躬驗虛實以報地方有司同具結以報鹽道私漏者罪之奏上奉

硃批實心實力爲之若徒以一奏了事何益之有

鄂山奏略查川省鹽務定於雍正年間一切領配章程本極周密是以向來行銷鹽引尙不致如他省之積滯而鹽引額課厯係年清年款並無短絀惟廠竈煎賣鹽斤實爲私鹽之所自出梟徒牟利

興販固屬有礙官鹽而商人舞弊夾私更易滯銷
正引節經臣督同鹽道嚴飭各屬設法查拏究辦
尙恐此風未能盡絕茲復經專飭查辦去後據鹽
茶道審度地方情形酌議章程詳請具奏臣悉心
察核產鹽井竈衰旺靡常在井竈無多之廠出鹽
甚少且係竹筒小井僅供本地民及配各屬額引
外尙不至於透漏其鹽井豐旺之區難保無存贖
餘鹽私銷透漏是欲禁止私販必先遏絕私煎應
責成各該地方官協同各廠員凡有井竈之處務
須嚴行稽查並飭仿照編聯保甲之例以十井爲
一牌立一牌頭十牌爲一甲立一甲長令其互相

稽察兼可清釐地方該牌頭甲長督令各竈戶按
引煎鹽以供商配並將每日鹽斤所出據實報明
廠員毋稍隱匿該廠員驗明各竈戶報鹽數目相
符按旬出具各竈戶並無煎多報少切結具報該
管地方官存查每月底由地方官確查委無私煎
捏報情弊加具印結詳報鹽道查考倘查出有煎
多報少偷賣私販以及牌頭人等串通舞弊將竈
戶煎販牌頭甲長一併懲辦該廠員與地方官查
辦不實或扶同捏飾從嚴參處

道光十八年

道光三十年總督徐澤醇復請稽查井竈以杜漏私
如前行保甲法部議報可於是檄鹽道率委員分道

四出犍爲知縣楊柄銓請自後宜以時委員密查不宜輒委地方有司徒爲行賄售私之地

徐澤醕奏略查各處私販充斥由於井竈賣私若能嚴密查禁則私鹽無從透漏現令產鹽州縣會同廠員仿照保甲章程實力編查每牌某戶有井竈鍋口若干數煎鹽若干斤配引若干張設立循環號簿州縣每月造冊申齋仍不時委員抽查倘有冊報不符及竈戶私售者嚴行查參究辦 戶部議略臣等查四川鹽井共計八千八百三十二處鍋竈紛繁卽爲私鹽所從出該管官果能潔已奉公認真堵緝則其源旣清私販自可漸絕

道光三十

年

楊柄銓條陳去年四月會同委員毛令前往五通橋牛華溪一帶查勘井竈諭令編聯鹽甲按戶造具井號竈號清冊申齎在案綜核冊內現開井眼現煎鍋口較之舊卷已增十分之五皆因從前地方官漫不經心毫無限制以致各竈戶任意私鑿私煎產鹽愈多則賣私買私之弊愈熾經此次編造清冊有案可查之後懇仍不時密委賢員改裝易服到廠照冊抽查數戶如有犯者同牌之人自必攻發除將井竈立行填封外治以應得之罪則懲一可以警百庶各知自愛身家不敢以身試法此事斷不能委之地方官徒爲索賄賣法之

地至委員查出後交地方官辦理可也

咸豐元年

及光緒三年總督丁寶楨檄候補道唐炯改行官運法炯首請於富廠自流井榮廠貢井覈實鍋口大小日出鹽幾何爲設十戶一鹽牌五十戶一竈首百戶一鹽甲以備稽查然惟富順榮縣行之以兩廠井鍋最夥且邊鹽所從出也

唐炯詳查自流貢井爲井竈薈萃之區惟井水衰旺無常鍋口大小不一產鹽多寡不等均應委員前往富順榮縣會同該縣親赴自流貢井將鍋口大小若干每日煎鹽若干逐一確切查明以十家立一鹽牌五十家立一竈首一百家立一鹽甲選

擇殷實竈戶充當發給門牌分造清冊會同稟報
以憑稽查收買配運

四川鹽法志卷三十三

緝私二

關隘

古者關市皆議而不征今鹽關例不與課稅事猶具
遺意吏胥私取或不免焉在良有司以身率之而已
四川關隘譏察計楚滇黔商榷水陸兼權耳目難周
弊至道光閒而極雖以總督徐澤醇發奸摘伏力革
之而不能止光緒四年變官運革陋規定給籤驗費
弊稍稍戢矣

嘉定府鹽關凡二一在涵春門一在雅河南岸鷹街

巖

嘉慶四
川通志

綿州濛陽隘州東一百三十里濛陽寺西毘三臺縣

界

州北太平場南一里許河干廢寺有斷碑載濛陽縣尉巡擊私鹽茶礬處字樣年月無考

大埡口州東五十里龍門壩州西三十里

舊志作樓

門壩

石橋鋪州西南四十里永興場

卽辛店

州西

三十里以上皆設巡鹽隘口

茂州索橋關州屬汶川縣北門外索橋頭

疑卽二道橋距

城一里許乾隆二十五年設稽察鹽茶影射及漢

羌番民出入

嘉慶四
川通志

合州涪江岸州城外西南大河壩去州城七十里

健爲縣縣門關縣北一里施家渡口雍正四年設乾

隆元年增造官廳二十七年圯於水今遷縣東一

里黃旗壩

三臺縣羅家渡縣東北八十里 黃壩寺縣東北一百里 馬康橋縣北一百二十里 佛耳巖縣西一百二十里

井研縣千佛寺縣南 烏拋灣縣西六十里 分水

嶺縣西北四十里 胡家店縣北二十里

仁壽縣核桃壩 乾隆二十六年設

德陽縣斜灣河縣東四十里 茶店子縣東南三十里

右據各志蒐錄多屬雍正七年奏設十二年改設凡產鹽州縣皆有之全案遺佚末由著錄慮

多疎漏今或沿或否

眉州石佛關州三十里 姜家關

青神縣正陽關縣五十里

犍爲縣鐵蛇關縣北七十里 玉津關縣北六十里

隋玉津縣江中出壁故也

右據道光三十年徐澤鵬通飭錄入當卽其疏
內所言酌量增設者

簡州石橋井州判掣配所州北七里

綿州豐谷井州判掣配所州南三十里

富順縣自流井縣丞掣配所縣西九十里 鄧井關

縣丞截驗所縣南十五里

犍爲縣四望關通判截角般弔所縣北七十里 牛

華溪大使挂驗所縣北百里

江安縣般弔所

敘州府經歷般驗所

資州羅泉井州判挂驗所州西一百二十里

大甯縣大甯場大使挂驗所縣北三十五里

雲陽縣雲安場大使挂驗所縣東北三十里

鹽源縣典史挂驗所

彭水縣郁山鎮巡檢挂驗所縣東北三十里

三臺縣胡盧溪縣丞挂驗所縣北八十里

瀘州直隸州批驗所州北小市廂資江岸

重慶府經歷批驗所

嘉定府經歷批驗所

遂甯縣梓潼鎮縣丞批驗所

射洪縣青隄渡大使批驗所縣東南八十里

蓬溪縣康家渡大使批驗所縣西九十里

凡成都華陽雙流溫江新繁新都郫縣灌縣彭縣
崇慶新津雅安名山榮經蘆山天全清溪峨眉洪
雅夾江眉州丹稜彭山青神邛州大邑蒲江犍邊
等各州縣屬嘉定府上游配鹽於犍樂兩廠者由
四望關通判殷弔截角嘉定府經歷批驗牛華溪
大使挂驗放行凡江北巴縣長壽璧山涪州定
遠大竹三臺射洪中江蓬溪達縣宜賓慶符南溪
長甯高縣筠連珙縣興文屏山鄧都南川黔江西
陽秀山石柱敘永永甯馬邊雷波墊江廣安彭水
各廳州縣屬配鹽於犍爲廠者亦由四望關通判
犍爲縣縣門關殷弔放行凡江北巴縣長壽璧
山南川合州銅梁定遠廣安涪州岳池渠縣鄰水

達縣東鄉太平鄧都各屬州縣配鹽於蓬射兩廠
 者由射洪青堤渡蓬溪康家渡兩鹽大使送甯梓
 潼鎮縣丞批驗放行 凡江北巴縣江津永川璧
 山榮昌綦江涪州陸昌納谿合江敘永永甯各屬
 州縣配鹽於榮富兩廠者由瀘州批驗放行配健
 爲廠者由江安縣般弔放行 凡江北巴縣江津
 永川璧山榮昌綦江涪州陸昌富順納谿合江敘
 永永甯各屬州縣專配富廠鹽者由富順縣自流
 井縣丞掣配鄧井關縣丞挂驗兼理截角放行
 凡成都華陽雙流溫江金堂郫縣灌縣資陽汶川
 理番等各屬州縣配簡廠鹽者由簡州州判掣配
 放行 凡資州資陽仁壽配羅泉井廠鹽者由資
 州州判挂驗放行 凡渠縣奉節巫山雲陽萬縣
 開縣東鄉新甯梁山石碛及湖北鶴峯恩施宣恩
 利川建始各州縣配雲陽廠鹽者由雲陽縣鹽大
 使挂驗放行 凡德陽縣配鹽於三臺由胡蘆溪
 縣丞挂驗放行 凡本省黔江彭水酉陽秀山及
 湖北咸豐來鳳配彭水月溪廠鹽者由彭水縣郁
 山鎮巡檢截角挂驗放行 凡大甯巫山鶴峯長
 樂宣恩等州縣配大甯廠鹽者由大甯縣鹽大使
 挂驗放行 凡宜賓慶符高縣珙縣興文屏山并
 滇邊採配健廠鹽行滇邊者由敘州府經歷般驗

放行 凡鹽源縣配本廠鹽者由鹽源縣典史挂
驗放行 凡邊商配健廠富廠射廠各州縣鹽行
黔岸者由重慶府經歷批驗放行 按黔岸惟涪
岸由重慶批驗他岸皆由瀘州批驗以鹽不經重
慶也

右各關所皆有官司專主截驗事據道光三十
年徐澤醕通飭錄入

徐澤醕奏略查川省產鹽州縣甚多凡附近廠竈
地方往往有謀利之徒相率販私以致浸灌充斥
正引滯銷現飭該地方官認真盤詰如遇大夥私
梟人鹽並獲先行稟報照例懲辦不得仍前指爲
貧苦窮民含糊完結並在運鹽各隘口扼要處所
酌量增設巡卡以資堵給其書役飯食由官籌給

倘有疏縱刁難及藉端需索等弊查出立予懲究
若他地方官奉行不力致滋漏越卽查明參處又
川省鹽船夾私向有帶手鹽赤膊鹽丁包鹽各名
色各關書役往往私收錢文含混驗放最爲正引
之害現在責成關隘各員認真盤查如遇前項鹽
斤立行拏交地方官照例究辦並飭將逐日驗放
船隻商名引號配廠銷岸包口斤數五日據實稟
報一次以憑核對若有互相歧異卽澈底根究將
疏縱隱匿之員撤參部議如所請 戶部奏略查
鹽務冗費幾於無處蔑有絕不爲怪該省文武大
小衙門官吏業經該督細爲察訪尙無索取規費

情事而嚴關書巡各費業已裁革示禁應勿庸議
惟據聲稱如有復踵故轍及另設別項名目或各
衙門有未經查出之欸許商人據實呈明以憑裁
除淨盡嚴懲參處防弊固爲周密殊不知規費之
勒索由於遇事之刁難商人方恐不遂所欲層層
掣肘又何敢據實呈明自取拖累應令該督責成
鹽道潔已奉公隨時訪察凡遇商人領引運鹽交
課各事宜速行速結勿任壓閣遷延暗滋弊竇別
開需索之門務使猾吏奸胥無所施其伎倆庶不
致空言無補 徐澤醕通飭川省鹽務之弊甲於
各省不惟胥吏暗中侵蝕卽各處關隘設立官員

明爲稽察暗則私放只知自飽囊橐私鹽則貪賄縱放引鹽復多勒索陋規其間種種名目不一而足行同市僧以查弊之官作弊甚於私梟

國家安用此等劣員爲乎本部堂早稔知此中情形故上年到任後卽札飭認真查辦並飭各管鹽之員將鹽務弊端陋規據實稟明以憑核辦蓋欲興利必先除弊欲除弊必先清陋規恤商在此裕課亦在此實爲鹽務緊關要鍵前此未將川省鹽務積弊一一指出者欲看所稟實不實耳今觀各處來稟雖不能一概隱匿而其大有害於稅課大有利於私橐尙未盡情吐露卽如牛華谿以下四望

關以上均有批驗之員上河則牛華谿至青神正陽關眉州石佛關姜家廟關四望關玉津關皆水運必經之路如管關之員果能認真稽查不私行賣放鹽斤何能偷過是關隘不能嚴查斷不能絕私鹽之路爲此酌擬數條仰該道卽會同候補黃道督飭委員悉心核議並將所指各情弊嚴飭鹽員再行詳悉稟覆一夾私之弊水路最甚何處爲鹽船必經之所如何設立總卡稽查至設立鹽垣尤爲要務其何州縣可行其何州縣難行亦應一併議覆一上游牛華谿水運有引之鹽又復夾帶私鹽者名爲有引夾帶除正引外每私鹽一百包

估作四十包每包取銀一錢如純係私鹽每一百包估作三十包每包取銀一錢一嘉定批驗所運有引夾帶每私鹽一百包估作四十包每包取銀一錢二分如純係私鹽每一百包估作三十包每包取銀一錢二分一正陽關運有引夾帶每引一張約取銀一兩四五錢如純係私鹽每五十包取銀多則一兩少則八錢一石佛關姜家關運有引夾帶每引一張取銀或一兩或八錢如純係私鹽視所載輕重取銀或三兩五兩錢或四千五千不等一雅關設立銅河之側離嘉定郡城十里亦係府經歷所管遇有引夾帶每引一張約取銀二兩

如純係私鹽亦然一下河之大河壩所產私鹽必
由四望關經過一百包估作六十包每包取銀一
錢二分一鐵蛇壩所產私鹽必由鐵蛇關經過每
一百包取錢四千文一玉津關運有大河壩鐵蛇
壩所來之私鹽每一百包約取銀二兩八九錢以
上各條是正引夾帶取銀反多而純係私鹽取銀
反少明示人以運私之便以圖自飽囊橐卽有船
隻裝載純係引鹽每引一張亦勒算重秤加包鹽
五包取銀三錢是又裝載正引者之反受勒索不
如夾帶私鹽者之反能圖利也以致私鹽日充而
正引滯銷且熬鹽之鍋旁邊舊有小溫鍋二口近

日竈戶以小溫鍋亦改爲大鍋是一鍋變爲三鍋其課仍照一鍋繳納所熬之鹽每年可供十張引熬鹽愈多故私行愈甚應如何酌量妥善一併妥議 又通飭查川省鹽務疲敝已極經本督部堂訪出積弊檄該鹽茶道並添派委員查辦在案查官鹽之滯銷由於私鹽之充斥川省並無大夥私梟不過無業貧民藉販私以資餬口而肩挑背負能有幾何總因奸商假公行私以一引而夾帶數引之鹽或將廢引影射配銷私鹽之多實由於此但販竈之掣配沿途關隘之般吊批驗挂驗均有專員經理其事究竟該員如何辦理致使私鹽透

漏若此是否丁役人等受賄縱放抑係別有情弊
亟應飭查明確剔除弊端以肅鹺政爲此檄行各
府州縣飭令掣配般吊批驗挂驗各員查明積弊
應如何查緝限文到十日內據實稟報 又通飭
查鹽務大弊不外販竈之賣私關隘之賣放屢經
札飭在案惟因循日久官吏營私未必盡能痛知
改悔爲此札飭場竈關隘正佐各員以後場竈每
於出鹽之日專立號簿兩本登記某處商人某名
持引若干是否改代配銷實在斤重數目登記號
簿自留一本存案以一本於五日內報明本廳州
縣各廳州縣於十日內將所報號簿稟明本督部

堂查核如場竈關隘離府不遠卽照前徑行稟明
該府於十日內稟復其所過關隘處亦照前將某
日挂驗某廳州縣某商運往何處銷售鹽斤是否
改代并若干包數每包斤數亦用用印號簿切實
登記自留一本備案以一本報明本廳州縣或就
近之知府轉稟其關隘各員亦於五日內具稟一
次候由省專委廉幹州縣不時前往上下兩河鹽
船經過地方抽查倘查有出鹽處及所過關隘有
以多報少私行賣放情弊卽將該管鹽場鹽關之
員從重參處除徑行札飭外仰該道一并飭遵該
員等卽以接到此次札知日期認真辦理

道光三十
年

內江般驗卡自榮縣至瀘州爲內江

外江般驗卡自嘉定府至夔州府爲外江

總辦官運鹽務唐炯詳竊查瀘州爲上流內外兩江交匯之區犍富兩廠運鹽必由之道前經詳請將花鹽包口改歸舊則誠恐奸商陽奉陰違仍復偷漏應由總局認真般驗以收實效在案職道於八月十八日抵瀘查看情形犍廠商運行經外江惟澄溪口可以停泊般驗富廠商運行經內江惟小河口可以停泊般驗富廠商運十倍犍廠而般驗尤宜認真該處向設有貨釐局分卡若另行設卡轉多糜費不如并卡般驗一切多所節省

光緒三年

鷹背崖驗卡見前

虎渡溪驗卡今併入上牛市以虎渡溪爲子卡

真溪口驗卡今改爲滇黔分局

青神縣驗卡

上牛市驗卡

總辦官運鹽務唐炯詳竊查青神之上牛市驗卡
係從前設立向止查驗商運引張迫開辦票釐始
兼查票鹽虎渡溪驗卡係辦理健樂票釐時由總
局議設查驗馬踏井河洱坎戈盤井等處出運票
鹽兩卡相距不遠所辦事體亦同未便重複設立
致滋煩擾而多糜費體查形勢上牛市較虎渡溪

尤爲扼要自當斟酌歸併一處當飭犍樂官引票
釐局虎渡溪驗卡委員會同妥議茲據稟稱查上
牛市距虎渡溪路止八里在青神縣城外河干爲
犍樂井三邑私販出沒要路擬請將二卡歸併設
於上牛市止留一員凡引餘兩鹽飭令一併查驗
收換票據卽以上牛市爲正卡其委員薪水等項
仍照虎渡溪原數在引釐項下支給改虎渡溪爲
子卡酌留清書一名巡役六名水手二名連房租
油燭紙張等費共月需銀二十四兩在票釐項下
支給二卡均向有巡船去來一水之便一切彈壓
稽查責成正卡委員管束卽偶有梟販聚眾闖卡

過渡該役不難截出上游飛報卡員登時會縣添
差迎頭闌緝如此辦理似較得力等情據此職道
覆查所議尙屬周妥應懇飭下鹽道將上牛市驗
卡委員撤裁卽將虎渡溪驗卡移設該處一切悉
照舊章辦理改虎渡溪爲子卡止用書巡仍歸委
員兼管如此辦理路逕無虞繞越經費亦可節省
且聲勢聯絡稽查更覺嚴密惟事權較重必須遴
委正印之員經理始足以資控制

光緒
五年

謹按前鷹觜虎渡真溪三卡爲查犍樂票釐私
鹽要地犍樂上游私鹽多由虎渡溪出運成眉
邛屬浸灌松茂又由鷹觜崖旁出銅雅兩河以

達雅瀘甯遠浸灌蠻地下游私鹽則由眞溪口
出運雲南東川大關浸灌魯甸後增上牛市驗
卡故改虎渡溪爲子卡以眞溪爲局私鹽自不
至故不別設卡

納谿縣轉江查驗所

合江縣轉江查驗所

江津縣江口轉江查驗所

涪州轉江查驗所

右爲黔岸轉江查驗處舊例四岸邊引鹽皆由
各批驗所驗過移送轉江州縣照文查驗繳引
挂號今官運旣行罷批驗所勿庸移送繳引一

切悉歸四岸分局矣

書巡

周官小史胥徒纖悉必具書巡亦有司耳目也然得其道則爲用失其道則因以爲弊可不慎歟書巡之設蓋爲專查陸路私販計始於雍正七年巡撫憲德從驛鹽道劉應鼎請奏設通省書巡九百四十名分置一百七州縣隘口歲給工食銀五千六百四十兩十二年總督黃廷桂復同憲德奏以巡隘太繁轉擾商民請專設於產鹽各州縣惟挂號放行不必掣般他州縣皆罷爲省其數過半焉

簡州石橋井州判

書役四巡役八

崇慶州

書役一巡役一以上成都府屬

重慶府經歷批驗所書役四江津縣書役一榮昌

縣書役一大足縣書役二綦江縣書役一巡役二

保甯府書役二南部縣縣丞先駐富村驛移駐新

閬中縣書役一廣元縣書役一通江縣書役一巡役四

保甯府屬南充縣書役二西充縣書役二蓬州書役二

大竹縣書役一巡役三富順縣鄧井關縣丞書役六

巡役十自流井縣丞書役六本縣書役六長甯縣書役

巡役三隆昌縣書役一屏山縣書役一巡役二夔州

府通判書役六雲陽縣雲安縣鹽大使書役六

大甯縣大甯縣鹽大使書役二奉節縣書役一巫

山縣書役一萬縣書役一開縣書役二巡役二石

泉縣書役一龍安府屬鹽源縣書役一雅安縣書役一

三巡役六嘉定府經歷批驗所書役四雅州府屬榮縣貢

井縣丞書役四犍為縣通判書役六牛華谿鹽

大使書役六縣門關書役一本縣書役三洪雅縣

書役二威遠縣書役一嘉定府屬三臺縣胡盧溪大

使書役四本縣書役四射洪縣通判書役六青

堤渡鹽大使書役二十蓬溪縣康家渡大使書役八

役十中江縣胖子店巡檢書役一遂甯縣典史批

驗所書役四本縣書役六鹽亭縣書役一安岳縣

書役二樂至縣書役四瀘州知州批驗所

書役四合江縣書役三江安縣書役一瀘州直隸州屬

資州羅泉井州判

書役二
巡役八

資陽縣

書役一
巡役四

內江縣

書役一
巡役四

仁壽縣核桃壩

書役二
巡役二

本縣

書役二
巡役四

井研

縣

書役四
巡役八
上資州直隸州屬

綿州豐谷井州判

書役二
巡役八
綿

竹縣

書役一
巡役三
上綿州直隸州屬

茂州

書役一
巡役二

汶川縣

書役一
巡

役一
州直隸州屬

忠州州判

書役二
巡役六

鄧都縣

書役一
巡役三

梁

山縣

書役三
巡役五
上忠州直隸州屬

彭水縣郁山鎮巡檢

書役四
巡

役八

黔江縣

書役一
巡役二
上酉陽直隸州屬

敘永屬永甯縣

書役一
巡

役二

松潘廳

書役一
巡役二

城口廳

書役二
巡役三

謹按此為產鹽州縣隘口巡役隸於地方有司

歲給工食若干於所納課內扣銷凡專巡緝私

茶者不載其兼巡鹽茶者仍之緣中有一巡一

書之處未便分晰惟經費內工食劃清詳經其費

各關隘局卡巡役不盡此數

驛鹽道劉應鼎詳查長蘆河東等處凡鹽茶經過
關隘渡口俱設巡役稽查般驗秤掣所以杜私販
防夾帶也川省北接漢中南通滇黔東流水路下
楚西抵西藏松鑪關隘甚多而設般驗之處甚少
是以私販夾帶肆行無忌應請於各州縣水陸關
隘酌量安設巡役頒發秤掣專司般驗經過鹽茶
按官引之數日秤掣放行如有私販夾帶立即掣
獲報官依律究擬

雍正七年

憲德奏略查川省幅員

遼濶凡產鹽產茶州縣與行銷鹽茶州縣或隔三

處五處現今各州縣各設般驗隘口若引商到隘處處般驗未免耽延苦累應只於產鹽產茶州縣緊要隘口及遠隔之州縣隘口俱飭書巡人等嚴緝私販無許疏縱透漏若遇引商到隘驗引挂號立刻放行不必掣般從前各般驗地方截角挂號俱有陋規應請一概革除戶部議如所請

雍正九年全疏

見征權餘鹽

廠船

廠船始光緒三年總督丁寶楨檄候補道唐炯設黔邊鹽務總局於瀘州置廠船十沿江扼隘各分地段巡緝六年兼辦楚計官運後增設四上起嘉定下訖

已東聯絡相應一以衛局一以緝私法爲密焉

丁寶楨奏略再滇邊鹽務臣已將明春開辦一切情形陳奏在案惟查滇岸距廠寥遠從前承平之時運鹽已屬不易自二十餘年荒廢之後商力疲敝川滇兩省皆係私梟充塞盤踞而運道所經沿江一路尤爲艱險官運開行之時銀鹽往來倍關緊要臣與總辦局務候補道唐炯再四熟商非得師船開截巡護恐多疏失現已飭該道在於重慶購料製造舢板駛船十號選募得力水勇一切工料日糧應歸鹽務公費內掙節支銷不動正欸如此辦理庶運鹽經行各處可免他虞而私販斂迹

官引乃期暢行實於鹽務有裨除咨部查照外謹

附片具奏部議准行光緒四年總辦官運鹽務唐炯

詳竊本年五月內詳請將萬縣巫山及湖北八州

縣計岸提歸官運蒙具奏遵辦在案查巫山之上

羊坪大溪口巴東之萬戶沱各要隘皆係川鹽入

楚關鍵而又逼近雲大兩廠誠恐私販充斥有礙

引鹽銷路援照滇岸各局添設廠船沿江巡緝防

護始足以資彈壓而固藩籬當經飭管帶安定左

營辦理萬縣分局委員于承德楷就近在渝鑄造

銅礮八尊舢板船四號招募水勇舵工操演熟習

以備調遣茲據該承稟稱業將安定營第十一號

廠船起至十四號廠船止共計廠船四號均已製
造齊全開具各項經費清摺及弁勇花名清冊呈
送前來職道查驗廠船均屬工堅料實弁勇操練
亦頗純熟當將第十一號廠船調泊巴東之萬戶
沱第十二號廠船調泊巫山之上羊坪第十三號
廠船調泊巫山之大溪口第十四號廠船調泊萬
縣飭其逐日沿江上下來往梭巡防護官局堵截
私路覆核所開均係實支實銷委無浮冒自應將
各項細數清摺及弁勇花名清冊一併繕呈查核
並懇分別奏咨立案再此項製造廠船經費仍照
滇岸廠船原案歸入局費項下開支五月十八日

調撥以後各礮船每月弁勇口糧仍歸入籌備防
邊經費項下開支於奏銷冊內分別造報均不動

用正欸

光緒
六年